



## **ESKOLAKO OHARRAK**

### **BEKAK**

Urtero bezala, zuen seme-alabentzat jantokiko eta materialerako bekak eskatzeko aukera izango duzue. Epea urriak 9tik azaroak 9ra arte irekita egongo da. Kontuan izan online egiteaz gain, eskolan bertan tramitatu daitezkeela; honetarako Idazkaritzan hitzordua telefonoz hartzea beharrezkoa izango da.

**BEKAK  
BECAS  
GRANTS**

### **ARROPA ESKAERA**

Aurten proiektu berri bat jarri dugu martxan Haur Hezkuntzako etapan. 2-6 urte bitarteko haurrak naturarekin bat hazi eta hezteko proiektua da. Gure eskola leku ezin hobean kokatuta dago eta ingurune natural hau baliabide gisa erabiliko dugu.

Gure asmoa, eskolan, behar denerako arropa multzoa edukitzea da. Etxean soberan duzuen txubaskero, zira, katiuska eta antzekoak eskatu nahi dizkizuegu. Arropa hau egoki erabiliko dugu eta beti COVID19aren aurkako protokoloa beteko dugu. Eskerrik asko.



### **ESKOLAKO EMAIL KORPORATIBO FAMILIARRAK**

Eskolako digitalizazio prozesuan aurrera goaz, horregatik eskolako familia bakoitzarentzat eskolako helbide elektronikoa sortu dugu. Gaurtik aurrera, zuen seme-alabek, eskolako helbide elektronikoa jasoko dute. Komunikazio kanal ofizial gisa erabiliko dugu eta eskolako informazio guztia eta irakasleekin harremana aipaturiko bide honetatik egiteko aukera izango du eskola komunitate osoak. Familia bakoitzaren helbide elektronikoa ahalik eta azkarren aktibatu eta pasahitza aldatzea eskatzen dizuegu, mesedez.



## **EUSKARA**


2020-2021 Ikasturte honetan ere Udalak euskara ikasteko eta hobetzeko laguntzak emango ditu. Informatu eta egizu beste askok bezala, hobetu euskara! Eskaera egiteko EPEA: 2020ko urriaren 1etik 31ra. Informazio gehiago Oiartzungo Udaleko **Euskara Zerbitzuan: 943493842/ euskara@oiartzun.eus**

## **MUSUKOA ETA URA EDATEKO BOTILA**

COVID19a dela eta, gomendagarria da zuen seme-alabek, eskolara bada ez bada ere, 2. musukoa ekartzea. Hau da, ikasleak bere musukoa galduko balu edo ekintzaren bat egiten zikinduko balu, gomendagarria da beste bat edukitzea. Bestalde, ura edateko edalontzi propioa edukitzea ere garrantzitsua da, gaixotasuna kutsa ez dadin.

## **ZORRIAK**

Zorriak azaldu dira berriz eskolan. Hemen transmititzen dira ikasleak elkarrekin daudelako. Jakina da, zorriak edukiz gero zein den jarraitu beharreko tratamendua. Guraso batzuen aldetik kexa azaldu da. Alegia, beren seme-alabei tratamendua egin arren, behin eta berriro azaltzen direlako. Askotan aztertu dugun gaia da eta eskolak tratamendua egiteko aholkua eman besterik ezin du egin. Mesedez, ongi begiratu zuen seme-alaben buruak zorriak desager daitezten.



## **ESKOLAKO ATAKAK**

Datorren astelehenetik aurrera, urriak 5, eskolako atakak itxi egingo ditugu, ikasle berrien egokitzapena bukatu baita. Hori dela eta, aurreko ikasturtetan bezala, 09:15etan atezainak Ibargain parkeko eta autobus geltokiko atakak itxiko ditu eta eguerdian berriz irekiko ditu. Etxeko bazkaltiarrek beraien gurasoekin edo zaintzaileekin eskolatik ateratzen direnean, atezainak atakak berriz itxiko ditu. Ondoren, arratsaldeko saioak hasi baino lehen, 14:40etan, berriz irekitzeko.

## **APARKALEKUA**

Familia guztiei gogorarazi nahi dizuegu, eskolako aparkalekuaren erabilpena COVID19a dela eta murriztu egin dela, ikasleek eraikinetik atera eta jolastu edo lasai egoteko eremu gehiago izan ditzaten. Horregatik garrantzitsua da bertara kotxerik ez sartzea. Eskerrik asko



## **ABARAXKA LUDOTEKAREN MEZUA**

LH1etik LH6rako ikasleentzat ludoteka urriak 19an irekiko da. Izen ematea online izango da, urriak 2-tik 12ra [www.gazteoiartzun.net](http://www.gazteoiartzun.net) blogean. Aurrez aurre elkartu ezin gaitzkeenez urriak 19a bitarte [www.gazteoiartzun.net](http://www.gazteoiartzun.net) blogaren bidez izango duzue gure berri, bertan eskaintza anitza eskainiko baitugu. Edozein zalantza [abaraxka.oiartzun@gmail.com](mailto:abaraxka.oiartzun@gmail.com) edo eta 645005496 telefono zenbakian. Bestalde, urriak 10, larunbatean, zuen iritzia jasoko dugu arratsaldeko 17:00etan: nola egin nahi duzue hurrengo "gau beltza"?